



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LESITHATHU (P3)

NOVEMBA 2023

UMHLAHLANDLELA WOKUTSHWAYA

IMITLOMELO: 100

Umhlahlandlela wokutshwaya lo unamakhasi ali-11.

ISIGABA A: AMATHEKSTHI WOKUZITLAMELA (AMA-ESEYI)

UMBUZO 1

TJHEJA:

- **Kiwo woke amatheksthi yelela inani lamagama aphakanyisweko. I-esityi ephathelene nesithombe ayinikelwe isihloko esiyifaneleko.**
- **Indlela otlolako arhumutjhe ngayo isihloko ifanele yamukelwe nanyana ihluka kunaleyo elindelwe ngotshwayako ikani nayikhambisana nesihloko.**

1.1 Mhlana ngizifumana ngisemrarweni.

I-esityi Ecocako.

Le yi-esityi lapho umtlozi ademba ngesehlakalo esithileko esakhe senzeka kuye, akhe asibona senzeka komunye nofana acocelwa ngaso kuyenzeka kokhunye umtlozi atlole i-esityi ayisusele ehloko.

Nakhu okuqakathekileko nakutshwaywa le-esityi:

- Ohlolwako kulindeleke bona acoce ngelanga mhlana azifumana asemrarweni ngalo.
- Ohlolwako kulindeleke bona atlole indaba ibe sesikhathini esidlulileko beyikhholwakale nanyana kungeyokuzitlamela.
- Kufanele ohlolwako asebenzise amagama ahlathulula koke okwamenza azifumane asemrarweni.

[50]

1.3 Nginomndeni okhethekileko.

I-esityi Ecocako./Ehlathululako.

Le yi-esityi lapho umtlozi ademba ngesehlakalo esithileko esakhe senzeka kuye, akhe asibona senzeka komunye nofana acocelwa ngaso kuyenzeka kokhunye umtlozi atlole i-esityi ayisusele ehloko.

Nakhu okuqakathekileko nakutshwaywa le-esityi:

- Ohlolwako kulindeleke bona acoce bekahlathulule okwenza bona umndenakhe ube ngokhethekileko.
- Ohlolwako kulindeleke bona atlole indaba ibe sesikhathini esidlulileko beyikhholwakale nanyana kungeyokuzitlamela.
- Kufanele ohlolwako asebenzise amagama ahlathulula khudlwana ngalokho okumenza bona athi unomndeni okhethekileko.

[50]

1.3 **Iintjhihijilo zokuba mumuntu omutjha.**

I-eseyi Ehlathulako.

Le yi-eseyi lapho umtlohi ahlathulula khona ngobujamo obuthileko akhe ahlangabezana nabo.

Nakhu okuqakathekileko nakutshwaywa le-eseyi:

- Ohlolwako akaveze iintjhihijilo umuntu omutjha aqalana nazo epilweni.
- Ohlolwako kulindeleke bona atlole indaba ibe sesikhathini esidlulileko beyikhholwakale nanyana kungeyokuzitlamela.
- Kufanele ohlolwako asebenzise amagama ahlathululako khudlwana ngeentjhihijilo neenqabo umuntu omutjha ahlangabezana nazo.

[50]

1.4 **Ithando lamambala alisekho amalanga la.**

Le yi-eseyi lapho otlolako aveza khona indlela azizwa ngayo ngesihloko anikelwe sona.

I-eseyi Evezako/Eveza Imizwa Yomtlohi.

Nakhu okuqakathekileko nakutshwaywa le-eseyi:

- Ohlolwako akaveze iinzathu ezimenza athi ithando lamambala alisekho amalanga la.
- Ohlolwako kulindeleke bona atlole indaba aveze imizwa yakhe nokuthatheka kwehliziyo.
- Ihlangothi elikhulu le-eseyi ngeliveza imizwa nofana ukwenaba khudlwana ngalokho okusengqondweni ngesihlokweni.

[50]

1.5 **Ubuhle nobumbi bokuba yinjinga.**

I-eseyi Emahlangothimabili/Emadanisako.

Nakhu okuqakathekileko nakutshwaywa le-eseyi:

- Ohlolwako kulindeleke bona aveze tjjhatjhalazi amaphuzu akhombisa ubuhle nobumbi bokuba yinjinga.
- Okuqakathekileko nge-eseyi le kukobana ohlolwako kulindeleke bona azwakale begodu anikele amaphuzu ngokulinganako ngamahlangothi womabili ekububuhle nobumbi.

[50]

1.6 URhulumende akasivale isibonelelo esiyimali ema-R350 esinikelwa abantu abangasebenziko. Vumelana nofana uphikisane nesitatimendesi.

I-esityi Ephikisako/Ehlangothilinye

Nakhu okuqakathekileko nakutshwaywa le-esityi:

- Ohlolwako kulindeleke bona athome ngokobana akhethe ihlangothi azokutlola ngalo, aveze iinzathu ekufanele zenze uRhulumende asivale nofana angasivali isibonelelo esiyimali ema-R350 esinikelwa abantu abangasebenziko.
- Kuqakathekile bona ohlolwako anikele amaphuzu asekelo imibonwakhe nakavumelana nofana aphikisana nesitatimendesi kufikela ekupheleni kwendabakhe.

[50]

Ukutshwaya/Ukurhumutjha iinthombe.

Ohlolwako kumele:

- **Anikele i-esityakhe isihloko esiyifaneleko.**
- **Ahlathulule i-esityakhe ngananyana ngiyiphi indlela kodwana ikhambelane nesithombe.**
- **Akhethe nanyana ngiwuphi umhlobo we-esityi okhambelana nesithombe.**
- **Ahlanganise ukuhlathululwa kwendaba nesithombe.**
- **Atlole ngesikhathi esifaneleko.**

- 1.7
- Ohlolwako angakhetha nanyana ngimuphi umhlobo we-esityi afuna ukutlola ngawo. Kungaba yi-esityi ecocako, ehlatululako, eveza imizwa, emahlangothimabili nofana ehlangothilinye.
 - Kuqakathekile bona ohlolwako aqinisekise bonyana indabakhe nesithombe ziyakhambelana.
 - Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala amakhandlela amabili avuthako nelampa elingakhanyisiko.

[50]

- 1.8
- Ohlolwako angakhetha nanyana ngimuphi umhlobo we-esityi afuna ukutlola ngawo. Kungaba yi-esityi ecocako, ehlatululako, eveza imizwa, emahlangothimabili nofana ehlangothilinye.
 - Kuqakathekile bona ohlolwako aqinisekise bonyana indabakhe nesithombe ziyakhambelana.
 - Ohlolwako angacoca ngemibono ebhamba nofana aveze imibono efihlakeleko ngesithombe asikhethileko.

Kilesisithombe kubonakala abantu abatjha bambethe iimphuraphura zeziq.

[50]

IMITLOMELO YESIGABA A:

50

ISIGABA B: AMATHEKSTHI AMADE WOKUTHINTANA

UMBUZO 2

2.1 INCWADI YOBUNGANI

Nakhu okuqakathekileko nakutshwaywa incwadi yobungani:

- Iba nesiphande sinye, sitlolwe ngesandleni sokudla. Isiphande sotlolako siba nelanga elitlolwe ngesiNdebele isib: Janabari/Tjhirhweni ingasi ngesiNgisi. Tjheja: Isiphande, isilotjhiswo nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Isilotjhiswo asiphakamise ibizo lomuntu omtlolelako. Isib; Jabulile, Mma, Baba; njll.
- Esingenisweni akuvele umnqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi.
- Ohlolwako akahlathulule khudlwana emzimbeni amaphuzu akhambisana nomnqopho awuveze esingenisweni.
- Iba nesilayeliso. Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Iba nesiphetho. Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utlole igama lakho. Lokhu kwenzelwa ukobana loyo otlolelweko azi kuhle bonyana utlolelwe ngubani. Isibongo akufuneki ukobana usitlole ngombana niyazana ninomuntu omtlolelako.

[30]

2.2 I-IMEYILI EHLELEKILEKO

Nakhu okuqakathekileko nakutshwaywa i-imeyili.

- Inesiphande se-imeyili yaloyo othumela umlayezo.
- Inesiphande se-imeyili yaloyo enqotjhiswe kuye/kibo.
- Inesiphande se-imeyili yomunye/yabanye ekufanele bafumane umlayezo lowo.
- Inesihloko esirhunyeza ummango we-imeyili leyo.
- Inesilotjhiswo esiligama nofana ithayitlela yaloyo i-imeyili enqotjhiswe kuye.
- Inesingeniso esiveza umnqopho we-imeyili leyo.
- Inomzimba omumethe umlayezo neminingwana ephелеleko.
- Inomutjho olayelisako.
- Inegama kanye nethayitlela yaloyo othumele i-imeyili ekugcineni.
- Inomtlikitlo waloyo othumele imeyili.
- Kufanele kusetjenziswe ilimi elifanele abamukelilwazi.

[30]

2.3 UMLANDO KAMUFI

Nakhu okuqakathekileko nakutshwaywa umlando kamufi:

- Uba nesihloko esinamagama kamufi apheleleko.
- Amagamakhe apheleleko.
- Ilanga abelethwa ngalo.
- Igama lendawo abelethelwa kiyo. **Tjheja:** Akungatlolwa igama lesibhedlela.
- Ubelethwa bobani.
- Imithombo yefundo asele adlule kiyo.
- Akuzuzako eemfundweni zakhe.
- Iindawo asebenze kizo.
- Iinkhundla azifumanako.
- Ilanga akhambe ngalo ephasini.
Tjheja: Akungatlolwa unobangela wokuhlongakala kwakamufi kodwana kungavezwa khunye kwalokhu: webiwe ngunokufa lokha nakakhambe ngengozi, uhlongakele ngemva kokugula isikhathi esifitjhani nofana eside nakagulileko.
- Umndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi.
Tjheja: Akungatlolwa amabizo weenini ezitjhiyweko.
- Isiphetho akube mumutjho omfitjhani wokumlayelisa nofana iinanazelo zakhe.

[30]

2.4 IKULUMO-PENDULWANO

Nakhu okuqakathekileko nakutshwaywa ikulumo pendulwano:

- Njengemitlolo yoke kufanele kube khona isingeniso. Esingenisweni kulapho kwethulwa khona indaba ekuzokucocwa ngayo nokobana izokucocwa bobani nendawo lapha izokucocelwa khona.
- Akulotjhisana kungenwa endabeni zisuka zibekwa.
- Amagama walabo abakhulumako atolwa ngesandleni sesincele, abe mafitjhani nesibongo singasetjenziwa. Akutlolwa litho ngaphasi kwamagama walabo abakhulumako.
- Kutlolwa ikholoni emuva kwamagama wabantu abakhulumako.
- Amagama aveza imizwa nobujamo balabo abakhulumako akatlolwe afakwe ngaphakathi kweembayana ngemva kwekholoni etlolwe eduze negama lokhulumako nofana laloyo okhulunyiswako.
- Ukukhethwa kwamagama kumele kutjengise ukwehlukana kwezinga lalabo abakhulumako. **Isib. ubaba nakakhuluma nendodana, umntwana wesikolo nakakhuluma notitjhere.**
- Ukobana ikulumo pendulwano ithoma ngesingeniso akutjho bona akube khona isigaba esisiphetho. Isiphetho sendaba siba sekulumeni yabo, kuzwakale bonyana seyiyaphetha.
- Ingaphetha ngokobana bazwane nanyana bangezواني kuye ngokobana indaba egade icocwa ikhambe njani.

[30]

IMITLOMELO YESIGABA B: 30

ISIGABA C: AMATHEKSTHI AMAFITJHANI WOKUTHINTANA

UMBUZO 3

3.1 IFLAYA

Nakhu okuqakathekileko nakutshwaywa iflaya.

Iflaya kufanele ibe:

- Namaqhingana wokudosa nokwenzisa (**AIDA ahlathulula okulandelako: A- attention, I-interest, D- desire, A-act**) angenzasi.
 - Ukuhluthula **itjhejo (Attention)** lofundako.
 - Ukugcina itjisakalo (**Interest**) kiloyo ofundako.
 - Ukukhanukeja (**Desire**) ngemininingwana evezwe eflayeni.
 - Ukudosa umthengi bona enze/athenge (**Act**) okuthileko.
- Nemininingwana yokukhangiswa eflayeni, isib. Njengomkhiqizo othileko, ikhamphani ethileko, iminyanya ethileko, isitolo, njll.
- Nesiqubulo sekhamphani nofana somnyanya eflayeni.
- Nesihloko salokho okukhangiswako ngamaledere amakhulu/amagabhadlhela.
- Nelimi elimumethe umqondo wokudosa/wokuyenga/wokurogela/wokudlelezela/wokwenzisa/imiqondo welimi eliliqiniso nofana elimbono, njll.
- Nesitayela nephimbo elifanele abamukelilwazi beflaya. [20]

3.2 UMALANGENI/IDAYARI

Nakhu okuqakathekileko nakutshwaywa umalangeni/idayari:

- Kumele oyitlolako atlole ilanga phezulu.
- Kumele itlolwe ngelimi lomuntu okhulumako.
- Kumele itlolwe ibe sesikhathini sanje.
- Kuyenzeka itlolwe ibe sesikhathini esidlulileko nesikhathini esizako.
- Kumele kutlolwe iingaba ezifitjhani.
- Kusetjenziswa ilimi elitjhaphulukileko. [20]

3.3 IMILAYELO

Nakhu okuqakathekileko nakutshwaywa imilayelo.

- Ukulayela umuntu ukobana enze into ethileko ngendlela ethileko.
- Imilayelo ayibe mifitjhani inembe ingarari olayelwako.
- Kumele ilandelwe njengombana injalo. [20]

IMITLOMELO YESIGAB C: 20
INANI LOKE: 100

ISIGABA A: IRUBHRIKHI YOKUTSHWAYA/YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]**TJHEJA:**

- Sebenzisa irubhrikhi njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

IRUBHRIKHI YOKUHLOLA I-ESEYI YELIMI LOKUTHOMA LOKWENGEZA [50 IMITLOMELO]

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
OKUMUNYETHWEKO NOKUHLOLA (Ukuphendula) Ukuhleleka kwemiqondo yokuhlela Ukulemuka komnqopho, abamukelilwazi nobujamo 30 IMITLOMELO	Izinga eliphezulu	28–30 -Ukuphendula okudluleleko. -Imiqondo ehlakaniphileko, netjengisa ukukhula. -Ukuhleleka okudluleleko nokukhambelana kwesingeniso, umzimba nesiphetho.	22–24 -Ukuphendula okuhle khulu. -Kunobufakazi nokukhula kwendaba okubonakalako. -Ukuhleleka okuhle khulu nokukhambelana kwesingeniso, umzimba nesiphetho.	16–18 -Ukuphendula okwanelisako. -Imiqondo ekhambelanako nekholisako. -Kunokuhleleka nokukhambelana okulingeneko kwesingeniso, umzimba nesiphetho.	10–12 -Ukuphendula okungakajami ndawonye. -Imiqondo engakanqophi. -Ubufakazi obuncani bokuhleleka nokukhambelana kwesingeniso, umzimba nesiphetho.	4–6 -Ukuphendula okuphume endleleni khulu. -Imiqondo enganatla nengazwakaliko. -Imiqondo ebuyabuyelelweko. -Imiqondo engakahleleki nengakhambelaniko.
		Izinga eliphasi	25–27 -Ukuphendula okudluleleko kodwana kutlhayela amatshwayo wendaba ehle. -Imiqondo ekhulileko nenokuhlakanipha. -Kunokuhleleka nokukhambelana okuhle kwesingeniso, umzimba nesiphetho.	19–21 -Ukuphendula okuhle. -Imiqondo ekarisako nekambelanako. -Kunokuhleleka nokukhambelana okuhle kwesingeniso, umzimba nesiphetho.	13–15 -Ukuphendula okwanelisako kodwana okunganatla. -Imiqondo izwakala/ ikhambelana ngokulingeneko. -Kunokuhleleka nokukhambelana kwesingeniso, umzimba nesiphetho.	7–9 -Ukuphendula okungakhambelaniko nokusezingeni eliphasi. -Imiqondo ayikahlangani begodu ayikanqophi. -Kunokuhleleka okungakhambelani nesingeniso, umzimba nesiphetho.

IRUBHRIKHI YOKUHLOLA INDABA YELIMI LOKUTHOMA LOKWENGEZA [50 IMITLOMELO] (iyaraga)

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
ILIMI, ISITAYELA NOKU-EDITHA. Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimphumuzi, ihlelo nesipelinghi.	Izinga eliphezulu	14–15	11–12	8–9	5–6	0–3
		-Iphimbo, irejista, isitayela nelwazimagama elifanele nelihle ngokudluleleko, elinemba umnqopho, abamukelilwazi nobujamo. -Ukusetjenziswa kwelimi kusezingeni elihle ngokudluleleko. -Ihlelo nesipelinghi esinganamphoso khulu. -Kutlanywe kuhle ngokudluleleko.	-Iphimbo, irejista, isitayela nelwazimagama elifanele umnqopho, abamukelilwazi nobujamo. -Ilimi liyanemba belisetjenziswe kuhle. -Ihlelo nesipelinghi akunamphoso khulu, zimbawala. -Kutlanywe kuhle khulu.	-Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. -Ukusetjenziswa kwelimi okwethula ihlathululo. -Ihlelo nesipelinghi kuneemphoso ezinengi -Kutlanywe ngokusezingeni elilingeneko.	-Iphimbo, irejista, isitayela nelwazimagama elingakafaneli umnqopho, abamukelilwazi nobujamo. -Ukusetjenziswa kwelimi okusezingeni eliphasi. -Ihlelo nesipelinghi kuneemphoso ezinengi khulukhulu. -Kutlanywe ngokusezingeni eliphasi khulukhulu.	-Iphimbo, irejista nesitayela ezingakafaneli khulu, umnqopho abamukelilwazi nobujamo. -Ilwazimagama elitlhayela khulu lenza kube budisi ukuzwisisa itheksthi. -Ilimi elingazwakaliko. -Ihlelo nesipelinghi kuneemphoso ezinengi ngokudluleleko. -Kutlanywe ngokusezingeni eliphasi ngokudluleleko.
15 IMITLOMELO	Izinga eliphasi	13	10	7	4	
		- Iphimbo, irejista, isitayela nelwazimagama elifanele nelihle elinemba umnqopho, abamukelilwazi nobujamo. -Ukusetjenziswa kwelimi kusezingeni elihle khulu. -Ihlelo nesipelinghi esinganamphoso ezinengi. -Kutlanywe ngokudluleleko.	-Iphimbo, irejista, isitayela nelwazimagama elifanele umnqopho, abamukelilwazi nobujamo. Ilimi liyanemba belisetjenziswe ngokufaneleko. -Ihlelo nesipelinghi kuneemphoso ezinengana. -Kutlanywe kuhle.	-Iphimbo, irejista, isitayela nelwazimagama elifanele umnqopho, abamukelilwazi nobujamo ngokulingeneko. -Ukusetjenziswa kwelimi okungathuli ihlathululo. -Ihlelo nesipelinghi kuneemphoso ezinengi khulu. -Kutlanywe ngokusezingeni eliphasi.	-Iphimbo, irejista, isitayela nelwazimagama elincani nelisezingeni eliphasi elingakafaneli umnqopho, abamukelilwazi nobujamo. -Ukusetjenziswa kwelimi okungakafaneli. -Ihlelo nesipelinghi kuneemphoso ezinengi khulu khulu. -Kutlanywe ngokusezingeni eliphasi ngokudluleleko	
ISAKHIWO Amatshwayo wetheksthi. Ukwakhiwa kweengaba nemitjho nokuquntulwa kwamagama ngendlela engasiyo.		5	4	3	2	0–1
		- Kuvezwe amatshwayo neminingwana eqakathekileko ngesakhiwo sendaba. -Kunokukhambelana okuhle ngokudluleleko kwendaba. -Imitjho neengaba kwakheke ngendlela ehle ngokudluleleko.	-Amatshwayo neminingwana evezweko kukhambelana kuhle. -Kunokukhambelana okuhle kwendaba. -Imitjho neengaba kwakheke ngendlela ehle.	-Amatshwayo neminingwana kuvezwe ngokulingeneko. -Kunokukhambelana okulingeneko kwendaba . -Imitjho neengaba kwakheke ngokulingeneko -Indaba isanikela umqondo.	-Amatshwayo neminye iminingwana yesakhiwo sendaba kuvezwe ngokusisekelo. -Ukwakhiwa kwemitjho neengaba kuneemphoso. -Indaba isazwakala kancani.	-Amatshwayo neminingwana efunekako kuyathlayela -Ukwakhiwa kwemitjho neengaba kuneemphoso ezinengi khulu. -Indaba ayinamqondo.
5 IMITLOMELO						

ISITJENGISO SOKWABIWA KWEMITLOMELO:

Km- : (Tlola umtlomelo otholwe mfundi) L- : (Tlola umtlomelo otholwe mfundi) Sk- : (Tlola umtlomelo otholwe mfundi)

ISIGABA B: AMATHEKSTHI AMADE WOKUTHINTANA**IRUBHRIKHI YOKUHLOLA AMATHEKSTHI AMADE WOKUTHINTANA WELIMI LOKUTHOMA LOKWENGEZA [30 IMITLOMELO]**

Iqinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLELA NESAKHIWO	15–18	11–14	8–10	5–7	0–4
-Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithetjhwana kanye nobujamo.	-Ukuphendula okungaphezu kwalokho okulindelweko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlolo unqophile. -Kunokukhambelana kokumunyethweko nomqondo. -Isakhiwo sihleleke kuhle ngokudluleleko yoke imininingwana esekela isihloko iveziwe. -Isakhiwo esifaneleko nesinembako.	-Ukuphendula okuhle nokutjengisa ilwazi elihle lamatshwayo wetheksthi. -Umtlolo unqophile, awukaphumi esihlokweni begodu usekelwe kuhle ngendlela enobukghoni. -Kunemininingwana esekela isihloko. -Isakhiwo esifaneleko kodwana esinokungakhambelaniko okuncazana.	-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana okulingeneko kokumunyethweko nemiqondo. -Eminye imininingwana esekela isihloko iveziwe. -Isakhiwo sifanele ngokulingeneko kodwana kunokungakhambelani.	-Ukuphendula ngokusisekelo kutjengisa ilwazi lamatshwayo wetheksthi. -Kunokunqophla Okukhona kodwana okunengi kuphambene nesihloko. -Imininingwana esekela isihloko imbalwa.. -Kunobutjhapha obukhona obubonakala emithethweni nematshwayeni wesakhiwo.	-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa khulukhulu. -Akakasebenzisi amatshwayo nemithetho yesakhiwo.
18 IMITLOMELO					
ILIMI, ISITAYELA NOKU-EDITHA	10–12	8–9	6–7	4–5	0–3
-Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithetjhwana yokutlolwa kwelimi. -Ukukhethwa kwamagama anemba umnqopho. -Ukusetjenziswa kwamatshwayo wokutlola nesipelinghi.	-Iphimbo, irejista, isitayela nelwazimagama kuwufanele kuhle khulu umnqopho, abamukelilwazi nobujamo. -Ihlelo lisetjenziswe ngokunembako begodu belihleleke kuhle khulu. -Kuneemphoso ezincani khulu.	-Iphimbo, irejista, isitayela nelwazimagama kuwufanele kuhle umnqopho, abamukelilwazi nobujamo. -Ihlelo lisetjenziswe ngokunembako belihleleke kuhle. -Akunamphoso ezinengi.	- Iphimbo, irejista, isitayela, nelwazimagama kuwufanele ngokulingeneko umnqopho, abamukelilwazi nobujamo. -Kuneemphoso zehlelo kodwana azilimazi ihlathululo.	-Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo. -Kuneemphoso zehlelo ezenza bona ihlathululo ingazwakali.	-Iphimbo, irejista, isitayela nelwazimagama akukhambelani nomnqopho, abamukelilwazi nobujamo. -Kuneemphoso zehlelo ezinengi khulukhulu ezenza bona ihlathululo ingazwakali nakancani.
12 IMITLOMELO					

ISITJENGISO SOKWABIWA KWEMITLOMELO:**Km-/sk- : (Tlola umtlomelo otholwe mfundi)****L-: (Tlola umtlomelo otholwe mfundi)**

ISIGABA C: AMATHEKSTHI AMAFITJHANI WOKUTHINTANA**IRUBHRIKHI YOKUHLOLA AMATHEKSTHI AMAFITJHANI WOKUTHINTANA WELIMI LOKUTHOMA LOKWENGEZA [20 IMITLOMELO]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
OKUMUNYETHWEKO, UKUHLELA NESAKHIWO	10–12	8–9	6–7	4–5	0–3
-Ukuphendula nemibono. -Ukubuthelelwa nokuhleleka kwemibono. - Umnqopho, abamukelilwazi, amatshwayo/imithetjhwana kanye nobujamo	-Ukuphendula okungaphezu kwalokho okulindelweko. -Imiqondo ehlakaniphileko nekhulileko. -Ilwazi elingeneleleko lamatshwayo wetheksthi. -Umtlolo unqophile. -Kunokukhambelana kokumunyethweko nomqondo. -Isakhiwo sihleleke kuhle ngokudluleleko yoke imininingwana esekela isihloko iveziwe. -Isakhiwo esifaneleko nesinembako.	-Ukuphendula okuhle nokutjengisa ilwazi elihle lamatshwayo wetheksthi. -Umtlolo unqophile, awukaphumi esihlokweni usekelwe kuhle ngendlela enobukghoni. -Kunemininingwana esekela isihloko. -Isakhiwo esifaneleko kodwana esinokungakhambelaniko okuncazana.	-Ukuphendula okulingeneko okutjengisa ilwazi lamatshwayo wetheksthi. -Akunakudzimelela nokukhambelana okulingeneko kokumunyethweko nemiqondo. -Eminye imininingwana esekela isihloko iveziwe. -Isakhiwo sifanele ngokulingeneko kodwana kunokungakhambelani.	-Ukuphendula ngokusisekelo kutjengisa ilwazi lamatshwayo wetheksthi. -Kunokunqopha okukhona kodwana okunengi kuphambene nesihloko. -Imininingwana esekela isihloko imbalwa. -Kunobutjhapha obukhona obubonakala emithethweni nematshwayeni wesakhiwo.	-Ukuphendula kutjengisa ukungabi khona kwelwazi lamatshwayo wetheksthi. -Akunakukhambelana kwemiqondo. -Imininingwana esekela isihloko imbalwa khulukhulu. -Akakasebenzisi amatshwayo nemithetho yesakhiwo.
12 IMITLOMELO					
ILIMI, ISITAYELA NOKU-EDITHA	7-8	5–6	4	3	0–2
-Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi nemithetjhwana yokutlolwa kwelimi. -Ukukhethwa kwamagama anemba umnqopho. -Ukusetjenziswa kwamatshwayo wokutlola nesipelinghi.	-Iphimbo, irejista, isitayela nelwazimagama kuwufanele kuhle khulu umnqopho, abamukelilwazi nobujamo. -Ihlelo lisetjenziswe ngokunembako belihleleke kuhle khulu. -Kuneemphoso ezincani khulu.	-Iphimbo, irejista, isitayela nelwazimagama kuwufanele kuhle umnqopho, abamukelilwazi nobujamo. -Ihlelo lisetjenziswe ngokunembako belihleleke kuhle. -Akunamphoso ezinengi.	- Iphimbo, irejista, isitayela, nelwazimagama kuwufanele ngokulingeneko umnqopho, abamukelilwazi nobujamo. -Kuneemphoso zehlelo kodwana azilimazi ihlathululo.	-Iphimbo, irejista, isitayela nelwazimagama kuwufanele kancani umnqopho, abamukelilwazi nobujamo. - Kuneemphoso zehlelo ezenza bona ihlathululo ingazwakali.	-Iphimbo, irejista, isitayela nelwazimagama akukhambelani nomnqopho, abamukelilwazi nobujamo. -Kuneemphoso zehlelo ezinengi khulukhulu ezenza bona ihlathululo ingazwakali nakancani.
8 IMITLOMELO					

ISITJENGISO SOKWABIWA KWEMITLOMELO:**Km-/sk- : (Tlola umtlomelo otholwe mfundi)****L-: (Tlola umtlomelo otholwe mfundi)**